


37



R. 19501

PRECES Y ORACIONES

QUE HAN DE RECITAR

LOS ALUMNOS DEL REAL COLEGIO

DE

S. BARTOLOMÉ Y SANTIAGO

EN LOS ACTOS DE CORPORACION

A QUE CONCURREN.




GRANADA: 1864.

IMPRESA DE D. FRANCISCO VENTURA Y SABATEL.

Impresor de SS. MM.

*Elvira 100* 26 JUNIO. 95 *fr*



R. 19501

PRECES Y ORACIONES

QUE HAN DE RECITAR

LOS ALUMNOS DEL REAL COLEGIO

DE

S. BARTOLOMÉ Y SANTIAGO

EN LOS ACTOS DE CORPORACION

A QUE CONCURREN.



GRANADA: 1864.

IMPRESA DE D. FRANCISCO VENTURA Y SABATEL.

Impresor de SS. MM.

*Elvira 100* 26 JUNIO. 95 *fr*

Biblioteca Patológica GRANADA	11 C	-clase A	Número 61 (17)
----------------------------------	---------	-------------	----------------

BIBLIOTECA HOSPITAL REAL GRANADA	
Sala:	C
Estante:	001
Número:	060 (37)



---

## HIMNO Y ORACION

que han de decirse todas las mañanas  
en el Oratorio, por los alumnos y el Superior que  
los presida, mientras el Sacerdote se prepara  
para celebrar la SANTA MISA,  
que oirán todos en seguida con la mas edificante  
devocion.

---

### HYMNUS.

- S. Veni, creator Spiritus,  
Mentes tuorum visita,  
Imple superna gratia  
Quæ tu creasti pectora.
- R. Qui diceris Paraclitus,  
Altissimi donum Dei,  
Fons vivus, ignis, charitas,  
Et spiritalis unctio.
- S. Tu septiformis munere,  
Digitus Paternæ dexteræ,  
Tu ritè promissum Patris,  
Sermone ditans guttura.
- R. Accende lumen sensibus,  
Infunde amorem cordibus,  
Infirma nostri corporis,  
Virtute firmans perpeti.
- S. Hostem repellas longiùs,  
Pacemque dones protinus,  
Ductore sic te prævio,  
Vitemus omne noxium.



R. Per te sciamus da Patrem,  
Noscamus atque Filium,  
Teque utriusque Spiritum  
Credamus omni tempore.

S. Deo Patri sit gloria,  
Et Filio qui à mortuis  
Surrexit, ac Paraclito,  
In sæculorum sæcula. Amen.

S. Emitte Spiritum tuum, et creabuntur.

R. Et renovabis faciem terræ.

### ORATIO.

Deus qui corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus Sancti Deus. Per omnia sæcula sæculorum. Amen.

### PARA DAR GRACIAS

#### AL TERMINAR LA SANTA MISA.

---

Laudate pueri Dominum: laudate nomen Domini.  
Sit nomen Domini benedictum: ex hoc nunc et usque in sæculum.

A solis ortu usque ad occasum, laudabile nomen Domini.

Excelsus super omnes gentes Dominus, et super cœlos gloria ejus.

Quis sicut Dominus Deus noster, qui in altis habitat, et humilia respicit in cœlo et in terra?



Suscitans à terra inopem: et de stercore erigens pauperem.

Ut collocet eum cum principibus; cum principibus populi sui.

Qui habitare facit sterilem in domo, matrem filiorum lætantem.

Gloria Patri, et Filio, et Spiritui Sancto;

Sicut erat in principio et nunc et semper et in sæcula sæculorum. Amen.

Laudate Dominum omnes gentes: laudate eum omnes populi.

Quoniam confirmata est super nos misericordia ejus: et veritas Domini manet in æternum.

Gloria Patri, etc.

#### OREMUS.

Actiones nostras, quæsumus, Domine, aspirando præveni, et adjuvando proseguere; ut cuncta nostra oratio et operatio à te semper incipiat, et per te cæpta finiatur. Per Christum Dominum nostrum. Amen.

### FÓRMULA

de la bendicion de mesa y accion de gracias que  
deberá hacer el Superior  
que presidiere en la comida y cena.

#### BENEDICTIO.

P. Benedic, Domine, nos et hæc tua dona quæ de tua largitate sumus sumpturi: per Christum Dominum nostrum.

R. Amen.



P. Mensæ cœlestis participes faciat nos Rex  
æternæ Gloriæ.

R. Amen.

### GRATIARUM ACTIO.

P. Agimus tibi gratias, omnipotens Deus, pro  
universis beneficiis tuis, qui vivis et regnas in sæ-  
cula sæculorum.

R. Amen.

P. Pater noster, etc. (*en secreto*).

P. Qui nos pascit in tærris benedicat in cœlis.

R. Amen.

### PARA EL SANTO ROSARIO.

In nomine Patris, et Filii, et Spiritus Sancti.  
Amen.

Per signum Sanctæ Crucis de inimicis nostris  
libera nos, Domine Deus noster, in nomine Patris,  
et Filii, et Spiritus Sancti. Amen.

Aperi, Domine, os meum ad benedicendum no-  
men sanctum tuum: munda quoque cor meum ab  
omnibus vanis, perversis et alienis cogitationibus:  
intellectum illumina, affectum inflamma, ut dignè,  
attentè, ac devotè recitare valeam, et exaudiri  
merear ante conspectum divinæ Majestatis tuæ. Per  
Christum Dominum nostrum. Amen.

Pater noster, qui es in cœlis, sanctificetur nomen  
tuum: adveniat regnum tuum: fiat voluntas tua,  
sicut in cœlo, et in terra.

Panem nostrum quotidianum da nobis hodie: et

dimitte nobis debita nostra, sicut et nos dimittimus debitoribus nostris: Et ne nos inducas in tentationem: Sed libera nos à malo. Amen.

Ave Maria, gratia plena: Dominus tecum: benedicta tu in mulieribus, et benedictus fructus ventris tui Jesus.

Sancta Maria, Mater Dei, ora pro nobis peccatoribus nunc, et in hora mortis nostræ. Amen.

Maria mater gratiæ,  
Dulcis parens clementiæ,  
Tu nos ab hoste protege,  
Et mortis hora suscipe.

Salve Regina, Mater misericordiæ, vita dulcedo, et spes nostra, salve. Ad te clamamus exules filii Hevæ. Ad te suspiramus, gementes, et flentes in hac lacrymarum valle. Eja ergo, advocata nostra, illos tuos misericordes oculos ad nos converte. Et Jesum benedictum fructum ventris tui, nobis post hoc exilium ostende. O clemens, ò pia, ò dulcis Virgo Maria.

Sub tuum præsidium confugimus, sancta Dei Genitrix: nostras deprecationes ne despicias in necessitatibus, sed à periculis cunctis libera nos semper, virgo gloriosa et benedicta.

Ora pro nobis, sancta Dei Genitrix.

Ut digni efficiamur promisionibus Christi.

OREMUS.

Gratiam tuam, quæsumus Domine, mentibus nostris infunde, ut qui Angelo nuntiante Christi Filii tui incarnationem cognovimus, per passionem ejus et crucem ad resurrectionis gloriam perduca-

mur. Per eundem Christum Dominum nostrum.  
Amen.

---

**M**ISERERE mei Deus, secundum magnam misericordiam tuam.

Et secundum multitudinem miserationum tuarum, dele iniquitatem meam.

Amplius lava me ab iniquitate mea : et à peccato meo munda me.

Quoniam iniquitatem meam ego cognosco : et peccatum meum contra me est semper.

Tibi soli peccavi, et malum coram te feci : ut justificeris in sermonibus tuis, et vincas cum judicaris.

Ecce enim in iniquitatibus conceptus sum : et in peccatis concepit me mater mea.

Ecce enim veritatem dilexisti : incerta, et occulta sapientiæ tuæ manifestasti mihi.

Asperges me, Domine, hyssopo, et mundabor : lavabis me, et super nivem dealbabor.

Auditui meo dabis gaudium et lætitiā : et exultabunt ossa humiliata.

Averte faciem tuam à peccatis meis : et omnes iniquitates meas dele.

Cor mundum crea in me, Deus : et spiritum rectum innova in visceribus meis.

Ne projicias me à facie tua : et spiritum sanctum tuum ne auferas à me.

Redde mihi lætitiā salutaris tui : et spiritu principali confirma me.

Docebo iniquos vias tuas : et impii ad te convertentur.

Libera me de sanguinibus Deus, Deus salutis meæ: et exultabit lingua mea justitiam tuam.

Domine, labia mea aperies: et os meum annuntiabit laudem tuam.

Quoniam si voluisses sacrificium, dedissem utique: holocaustis non delectaberis.

Sacrificium Deo spiritus contribulatus: cor contritum, et humiliatum, Deus, non despicias.

Benigne fac Domine in bona voluntate tua Sion: ut ædificentur muri Jerusalem.

Tunc acceptabis sacrificium justitiæ, oblationes, et holocausta: tunc imponent super altare tuum vitulos.

Gloria Patri, et Filio, et Spiritui Sancto;

Sicut erat in principio et nunc et semper et in sæcula sæculorum. Amen.

#### OREMUS.

Deus, qui culpa offenderis, pœnitentia placaris, preces populi tui supplicantis propitius respice: et flagella tuæ iracundiæ, quæ pro peccatis nostris meremur, averte. Per Christum Dominum nostrum. Amen.

**T**E Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cœli et universæ Potestates.

Tibi Cherubim et Seraphim: incessabili voce proclamant:

Sanctus, sanctus, sanctus: Dominus Deus Sabaoth.

Pleni sunt cœli et terra: majestatis gloriæ tuæ.

Te gloriosus : Apostolorum chorus,  
Te Prophetarum : laudabilis numerus,  
Te Martyrum candidatus : laudat exercitus.  
Te per orbem terrarum : sancta confitetur Ec-  
clesia.

Patrem : immensæ majestatis.

Venerandum tuum verum : et unicum Filium.

Sanctum quoque : paraclitum Spiritum.

Tu rex gloriæ : Christe.

Tu Patris : sempiternus es Filius.

Tu ad liberandum suscepturus hominem : non  
horruisti Virginis uterum.

Tu, devicto mortis aculeo : aperuisti credentibus  
regna cœlorum.

Tu ad dexteram Dei sedes : in gloria Patris.

Judex crederis : esse venturus.

Te ergo, quæsumus, tuis famulis subveni : quos  
pretioso sanguine redemisti.

Æterna fac cum Sanctis tuis : in gloria numerari.

Salvum fac populum tuum, Domine : et benedic  
hæreditati tuæ.

Et rege eos : et extolle illos usque in æternum.

Per singulos dies : benedicimus te.

Et laudamus nomen tuum in sæculum : et in  
sæculum sæculi.

Dignare, Domine, die isto : sine peccato nos cus-  
todire.

Miserere nostri, Domine : miserere nostri.

Fiat misericordia tua, Domine, super nos :  
quemadmodum speravimus in te.

In te, Domine, speravi : non confundar in æter-  
num.



